

瓊州府志

二

瓊州府志卷之四上

輿地志六

山川

巖洞井泉附

瓊山縣

山

抱珥山在城內道署西高三丈餘阮通志

龍文山在府署後高三丈餘明知府林有祿塔築同上

三台峯在府學宮後脈自抱珥龍文聯絡排列如三台然新志

蒼屹山在城南二里石峯屹立水流其下通志其陰有仙人洞又名紫霞洞大清一統志

鴈塔峰在城南三里平岡一峯尖秀如筆水環其下同上宋郡人姜唐佐始登第因名元至

正間築鴈塔亭於上明萬歷時鑿三元碑於中峰故又名鴈塔三元峯縣志

赤石岡在城西南五里石多赤色阮通志

靈山在城東南十五里舊名黑山俗名聖山自北來者渡海中洋即見之喬木蔭翳上有



神祠至爲靈顯大清一統志上有靈山祠所祀之神有六嘉慶志曰靈山曰香山曰瓊崖曰通

濟曰定邊曰班師今並祭之黃通志

瓊崖嶺在城南十里附志作二十里即古珠崖郡城址大清一統志平地起峯高百附志作七十餘丈嘉慶志

潭龍嶺在城東北二十里登絕頂可望黎母諸山其下有泉分兩臂並趨西南一泉中湧

名曰車錫相傳宋僧和靖常卓錫於此粵東名勝志

鋪錦巖在城南三十里元蔡貞女九娘死節於此又名鋪錦谷廣東輿圖

順村嶺在城東南三十里平坡起峯元僧無我建塔於上右爲龍盧洞同上

西石山一名馬鞍山在城西四十里高三十餘丈爲郡城主山附志上多石下有洞可容數

百人古傳有鼎石丹爐在挺峯之下西隅石基乃鄉人禱雨之所上有井與海通戴通志

西南一里有遞蓮峒稍西爲龍廊峒牛志

虎村嶺在城西南五十里高二丈一名雷虎山又名波秋嶺脈自西石山蜿蜒而來至

此崛起狀若虎踞亦名虎蹲嶺下有溪流爲西南湖又南有鴉卜峒同上

扶山武德縣有扶山附志在城東南五十里左有五嶺一曰從衡二曰思峒三曰光螺

四曰居碌五曰居林遞相擁護故曰扶山志昔有陶公居之故又名陶公山通志道書以

爲第二十四福地又有巨潭流三十六曲以達於江明一統志其西有蒼巡峒中有一井阮通志

志

瓊山在城南六十里一統志大清圖經云瓊之取義蓋瓊山縣奉化鄉有瓊山白石二村土

石皆白似玉而潤種類其上特美所產檳榔尤佳其石如瓊瑤耳輿地紀勝唐因以名縣志

雲露山在城西南六十里高百餘丈中有三潭上一潭林木陰森人不敢近其次二潭生

小石如橄欖有發可穿俗名橄欖珠歲旱雨多應阮通志

東石山在城東南七十里平原中一峯突起狀如交椅石上有巨人跡又名美丙嶺蕭志

了髻嶺在城東八十里高二十餘丈形如了髻同上

龍堆山在城東南八十里山下有息石初甚小歲久漸大鄉人祀以爲神黃通志山在那射

都又名那射山分爲二山者誤大清原通志

石鼓嶺一名南岐嶺在城西南一百六十里西黎都高二十餘丈中有大石盤圍十丈許

有小石叩之其聲如鼓蕭志

盤塔嶺在南岐嶺南上有十三峰下有溫泉又山頂有涅槃塔

阮通志

白石水池嶺在縣西南一百八十里諸峯環抱南有白石石下湧泉若湯沸起

同上

仙人峒在蒼屹山後洞口一石如爐內有石版刻云盤龍屈曲自何起伏回翔幾里後人

於何里字下添方長二字

牛志

明嘉靖間郡守張子宏偕武守趙可旦遊覽改題曰紫霞

峒建安仙青雲二亭萬歷間副總兵鄧鍾建廡燕庵其左有流芳亭副使蔡夢說建右

有會心亭知府倪凍建各有題詠

瓊山志

蒼巡峒在符村西峒內有二井鄉人嘗於此汲水其一深暗不能入

同上

龍廊峒在石巖都東南一里峒路崎嶇自西南而入深二十丈旁有小峒十二可容數百

人

大清一統志

遞蓮峒在石山舖西南一里許入石門行數十步徑竇委曲相通大小凡五峒有石磴如

榻可容數十人上有一門透露天日

牛志

傍有黑峒無火不能入

大清一統志

鴉卜峒在雷虎嶺南周廣約里餘深數丈雖秋潦彌月不滿中有石墩牛馬牧其內

瓊山志

龍盧峒在張吳都顏村側即顏盧縣故址副使黃顯休養之所知府史朝宜相訪詩棟宇

春深古顏廣暖風晴日集靈都野花作意當年落山鳥迎人隔岸呼綠暗煙蘿低蓋入
丹懸鏡樹緩車驅清幽深得高賢致羅蜜根前坐夕暉同上

川

學前水在城南源自西湖流經縣學前

蕭志作舊縣學前

又東南入南渡江

大清一統志

流經洗馬橋

東從舊縣學繞郡城過南橋主蕃誕村會大江入於海

採訪冊

第一水在縣西三里自山澗流出繞下田村又西三里次一澗謂之第二水皆流入海

大清一統志

南渡大江在城東南十里發源五指山經臨高澄邁定安三縣地界流至城南六十里曰

白石河平城東南十里曰南渡大江又五里曰博冲河口北流入海自博冲口分一枝

繞城東曰河口河

阮通志

瓊城柴米竹木多由此運入一統志載黎母水卽此蕭志

河口河在郡城東門外明宏治間知府張桓內里老唐正等上言買博冲民田開河引水

直抵城濠以便通糧

牛志

後於乾隆元年巡道潘思榮疏鑿繞城東門南接博冲河北經

金粟庵明昌塔通白沙港入海自是舟楫可通海口商貨駢集民賴其利號爲潘公河

勒碑岸側十九年巡道德明精於水利渡河東北下窖口建石閘以資啓閉灌田益廣
歲撥府地稅銀六兩爲開夫工食商民立碑閘旁名曰德公閘

嘉志 乾隆四十七年前並
撥萬州撥獲鉛斤等價銀

五百兩生息爲修河經費經督撫咨部奉准在案四十八年價買銀會縣崇文鄉土名崇墩廟鋪等處田地共
四十二畝八分三釐三毫載糧銀一兩五錢四分四釐九毫折價銀一千五百七十七文每年批佃輸租銀三十
一千文除完糧外存銀二十九千四百二十三文遞年生息
由樂會縣徵收解道庫在貯專爲歲修潘公河之費 續冊

博冲河口在城東南五里頓林東昌二都界水從南湖流出亦從大江而入爲郡治異方
之水形家言不利於郡城尙書王宏誨言於知府謝繼科通判潘大熙塞之嗣水漲淹
田鄉人共稱不便鳴於署府事推官傅作霖復開

續志

海口港在城北十里海口所北官渡自此過海又十里爲牛始港二十里爲白沙港

同上

神應港在縣北十里

咸通志

瓊州白沙津番舶所聚之地其港自海岸屈曲不通大舟而大

舟泊海岸又多風濤之虞王帥光祖直欲開一港以便商旅未就忽颶風作自衝一港

尤徑於所開遂名神應時淳熙戊申也

輿地紀勝

峻靈潭在縣東周二百餘丈魚味特美蓋黎母水所匯也

大清一統志

有峻靈神祠今廢

續志

湑渭溪在縣南十六里有二源一出縣南十五里謝潭一出縣南二十里藤潭合流十餘

里東北入南渡江，水清如渭。土人呼水為浦，故名。鄉人沿流築欄，置車升水灌田。大清

一統志

謝潭在城南十五里許，洞泉湧出，溢為潭，深莫可測。蕭志

磨潭在城南二十里許，源出山澗，溢為潭，大旱不涸。同上

白沙河在海口東三里，乾隆六年監生陳國安等倡捐，由白沙村尾疏鑿通海口。海山

東湖在城東十五里，博茂都相傳有巨室居此，一夕陷為湖，官民立廟湖上。同上

西湖一名頓崖潭，在城西十五里有玉龍泉，出自石竇，寒冽甘潔，瀝而為湖。大清一統志 昔

人刻石為龍，置泉上，水從龍口噴出，故又名龍潭。上有龍廟，雨輒應，其水一達博冲

一東流為學前水，繞縣前過洗馬橋及南橋，入於南渡江。蕭志

小英港在城西北十里又十五里，為鹽竈港

烈樓港在城西三十里，乃漢軍渡海之處，有大石生海邊，北有三墩，名烈樓嘴。海南渡徐

聞此為最近。俱同上

新溪港在城東五十里界，接文昌明萬厝間地陷數十村，遂成溪，與舖前港相通。縣志

麻錫港在城東北四十里又十里爲芒亨港又二十里爲東營港又三十里爲博茂港又

四十里爲北洋港

志

西南湖在城西南五十里雷虎都乃虎村嶺溪流瀦爲湖東南流經梁老橋入南渡江卽

一統志所載南湖也去湖四十步有仙井上有仙遊遺跡石刻詩

銅銑溪在城東南八十里源出那射山中有巨石如銅銑水注其中其聲如雷溢出文昌

舖前港

安容湖在城南八里

小西湖在城西

五龍池在城西十二里五原都五泉湧出成池經濱涯轉南茂橋入海

俱同

洗馬池在城南三里

阮通志

豐好水距城七里龍眼水九域志郡國志并在瓊山界

輿地紀勝

蓮塘在城南產白蓮

蕭志

東山溪在城西南七十里經澄邁定安達南渡江

雙塘在城西四十五里文盛都舊名下石山都其塘一大一小一清一濁大小相連淵深莫測鄉

人祀以爲社遇旱禱之即雨

府門井即舊蓮塘井在城西南泉味甘冽環城人皆汲之

雙井即海南衛前井宋景定三年鑿其一久湮元皇慶間元帥郝靠山復浚民取汲焉今

塞其一

東坡井在舊道治後東北隅東坡曾憩息於此故名宋時井在城外明初廣城遂圍入城

內至萬歷乙卯

碑作唐庚辰

郡守謝繼科

碑作唐可封

移

碑作重

建洄酌亭於此有記勒石今亭廢碑記

尙存

觀風井在察院公署左萬歷戊子巡按蔡夢銳開自記立碑俱同上

北城井泉味清冽明吳昇開指揮徐瑄修志

玉液井在城內西隅管糧廳後明景泰五年知縣陳用己開志

西城大井在城大西門內街北明正統間指揮李翔開今西門人汲之同上

鍾公井在小西門內深三丈許周砌石旁有碑鐫鍾公井三字陳訪志

毓秀井在城東北二十里潭龍嶺後其味甘冽

馬皇廟井在小西門馬皇廟內鍾司徒鑿

鏡井在東山市西北一里許天生自然廣三丈深無底水清如鏡羣魚出沒井門通三十

六曲溝溝水濁井水清分明不混如河濟然

俱同上

水關井在北城內泉味甘冽

舊志

武秀井在城東街武秀坊前明宏治間指揮張詡開

晏清泉在小北門內晏公廟後味甘勝城內諸井元時開石刻晏清泉三大字

南城脚井指揮李泰開

瓊漿井在南郊舊縣學東明洪武間教諭趙謙浚深四丈立二石柱駕轆轤以汲水後人

又立石碑刻瓊漿二字今井基尙存

六角井在城南郊舊縣學東路畔石砌六角有柱今南郊外汲之

淨沙泉在城大南門外西南濠畔泉味甘冽勝諸井

枇杷井在南橋解元唐濂伯居前有大批杷樹陰蔽於上故名味甘冽而不竭亦名仙井

鄉人傳有金鯉時見以爲解元之兆

南宮井在南橋外南宮殿廟後泉味甘冽大旱不涸

玉龍井在城西南五十里泉出石竇如飛珠走玉水寒冽大旱不竭郡中祈雨必於此請
水郡人鄭廷鵠有銘

雙眼井在城南門橋外舊山川壇北泉味甘冽不下沙井

洗心泉在城北接龍橋下郡守賈棠建橋得此泉立石命名有記

雙泉在城外東北隅宋蘇軾於此得二泉一名金粟一卽此泉相去咫尺而味異上有臨
清亭濯纓亭後陸郡守又建洞酌亭並廢

金粟泉卽雙泉之一又名浮粟井在城東北里餘與右北隅泉相望而味尤佳萬歷壬子
郡守翁汝遇創建粟泉亭掘地得一石年東坡行草書跡遂攜去四十二年郡守謝繼
科復於井上甃石琢雙龍頭於井中泉從龍口噴出灌注於田建亭曰會源建庵曰金
粟復設東坡書院開塘一區四十五年提學副使戴燿建二蘇祠於泉上歲久諸亭俱
圯至乾隆間學使翁方綱復建亭於書院之前補題其額曰洞酌亭

竹根井在城東一里唐甯鑿有銘

清惠泉在城北五里亭明萬歷戊申郡守倪凍鑿旁建亭曰清惠故泉亦以此名味甚甘
冽行人憩息多飲之有石勒銘並刻倪公井三字

白玉井在海口紅坎坡西土人呼曰白土井味甘冽明宏治間陳英俊開
噴珠井在文峯塔下

龍井在城西蒼驛都鄉人琢石爲龍置穴中水自龍口噴出大旱不涸

田井在城南四十里遵都周圍三十步許冬溫夏冽旱則三五十里皆汲之

惠通泉在城南五十里三山庵下宋蘇軾經此飲之謂味類惠山泉因名惠通並作記故

亦名東坡井

俱同上

仙井在東潭都石巖中深一丈有平石左刻貞元二年右刻熙寧甲寅數字

阮通志

澄邁縣

山

邁山在城東南五里高三丈

志

以縣境內有澄江邁山故隋以名縣下有泉名七里久旱

不涸 大清一統志

獨珠山在城東十里圓潔如珠下有泉名滴珠泉 同上

大勝嶺在城西十里高二十丈漢伏波將軍屯兵於此征蠻得勝因名 黃通志 明成化間知

縣葺裘建石橋於上 蕭志

萬歲岡在大勝嶺南高十餘丈石如列屏兩側雲霧籠罩又名聖石下有清泉

夏石嶺在城西南十五里兩峯連翠鄉人每季夏祭社於此故又名夏社嶺

佛社嶺在城南十五里高三丈上有神祠下有清泉久旱不竭流通稍陽水

社仁嶺在城東南二十里高五丈鄉人立五土神祠於上

石礪嶺在城西北三十里高三丈餘舊立烽墩於此

石龜崙在城西三十里許奇石如龜潤則旱乾則雨 俱同上

文裔山在城東南三十里高二十餘丈連峙三峰亦名三峯嶺上有石裂口冬月火氣薰

蒸下有泉五穴昔人琢石爲五龍頭水從龍口噴出名龍泉禱雨輒應 縣志

青山嶺在城東南三十里高十丈巨石如室中有神像禱雨輒應 阮通志

雲賓谷在城西北三十里谷極幽邃昔有處士吳瑋

阮通志作瑋

隱此邱文莊有記又名迎賓

谷

三峯嶺在城南三十里三峯聳列如三台然

幹峰在城南三十里又名崑烈嶺

昌通嶺乃幹峯分支南行里許穿田突起象極圓淨

嵩嶺在城西四十里

北畔嶺在城西南五十里高三丈明嘉靖間邑令秦志道議遷縣治於此基址猶存

北地嶺在北畔嶺迤東

俱同上

吾魯嶺在城西南五十里寶立村下有石笋排列如掌鄉人立社於此禱雨輒應

縣志

西岸嶺在城西五十里四面巖石環繞下有泉極清冽

阮通志

眠狗嶺在城南五十里以形似名又名羣石嶺中有巨石磷磷四面溝渠環繞洵爲勝概

同上

美梁山在城西五十里脈自福山迤邐至此突峙員如驪珠下有泉如注歲旱鄉人擊鼓

禱之輒雨

縣志

創策嶺在城西五十里宋王居鳳家於此

坤元嶺在縣西五十里形圓如珠上有神禱雨多應

俱同

寶河嶺在城南五十里脈自那羊嶺蜿蜒數十里纏結於此頂突成七星登嶺眺望一邑

山川秀若列眉

阮通志

那羊嶺在城西六十里澄臨交界

縣志

合嶺在城南六十里峯巒拱合故名瓊澄分界於此

同上

蘇山嶺在城南六十里高十丈連亘有牽牛嶺高五丈

阮通志

秀水嶺在城南六十里上有龍神廟

縣志

石鼓嶺在城東南七十里高三丈上有二石並時扣之聲如鼓凡遇令節鄉人擊之以爲

樂

縣志

黃家嶺在城南七十里元時黃千戶家於此

縣志

北雲嶺在城西南七十里高數十丈有石爲屏輪溝爲環繞中間層級登若升階

阮通志

南龍嶺在縣南一百里綿亘十餘里山勢起伏若龍久旱將雨遠望有火光熠燿

眠床嶺在城南一百二十里平崗如床故名俱同上

官苟嶺在城南一百二十里高二十丈巖勢險峻中有石峒名大坡峒可容千人明洪熙

間定安黎王官苟曾聚衆於此因名大清一統志

南黎嶺在城南一百二十里高二十丈綿亘數十里與官苟嶺相接皆黎人所居同上

白石嶺在城西南一百二十里上多白石故名廣東興寧頂有深潭泉自石峯出歲旱白黑必

雨大清一統志

佃當嶺與白石嶺連接上有二石一仰一覆都通志

長嶺在西黎正都白石嶺脈從此出橫亘綿延頂有田一區其粟一殼二米同上

羣佃嶺在縣西一百二十里通臨高界下有外峒中峒內峒皆爲熟黎所居阮通志

眞武劍嶺在城西南一百二十里山形如劍龜蛇多出其中而未嘗毒人故名眞武縣志

居託嶺在城西南一百二十里高五丈

筆架嶺在縣西一百二十里脈自居託嶺高十丈形如筆架